

Хархорин ХК

2019 ОНЫ ЭХНИЙ ХАГАС ЖИЛИЙН ҮЙЛ АЖИЛЛАГААНЫ ТАЙЛАН



Хархорин ХК

ӨВӨРХАНГАЙ АЙМАГ, ХАРХОРИН СУМ, ЭРДЭНЭ-ТОЛГОЙ БАГ, УСЖУУЛАХ 00 |

УТАС: 99993800, 90999919

Table of Contents

1. ҮНЭТ ЦААС ГАРГАГЧИЙН НЭР, ОРШИН БАЙГАА ХАЯГ:	2
2. ХУУЛИЙН ЭТГЭЭДИЙН УЛСЫН БҮРТГЭЛИЙН МЭДЭЭЛЭЛ:.....	2
3. ҮНЭТ ЦААС ГАРГАГЧИЙН ЗОРИЛГО, ҮЙЛ АЖИЛЛАГААНЫ СТРАТЕГИ, ТҮҮНИЙ ХЭРЭГЖИЛТИЙН ТАЛААРХ МЭДЭЭЛЭЛ.....	2
4. ҮНЭТ ЦААС ГАРГАГЧИЙН ТҮҮХ, ТУХАЙН ЗАХ ЗЭЭЛД ЭЗЭЛЖ БУЙ БАЙР СУУРЬ, СУДАЛГАА.....	2
5. ҮНЭТ ЦААС ГАРГАГЧИЙН БАРАА БҮТЭЭГДЭХҮҮН, ҮЙЛЧИЛГЭЭНИЙ ЗАХ ЗЭЭЛД ГАРСАН ТОМООХОН ӨӨРЧЛӨЛТ, ҮҮНТЭЙ ХОЛБООТОЙ ҮҮСЧ БОЛОХ ЭРСДЛИЙН ТУХАЙ МЭДЭЭЛЭЛ.....	3
6. ҮНЭТ ЦААС ГАРГАГЧИЙН УДИРДЛАГА, ЭРХ БҮХИЙ АЛБАН ТУШААЛТНУУДЫН ТАНИЛЦУУЛГА:.....	3
7. ҮНЭТ ЦААС ГАРГАГЧИЙН НИЙТ ГАРГАСАН ХУВЬЦААНЫ 5 БОЛОН ТҮҮНЭЭС ДЭЭШ ХУВИЙГ ЭЗЭМШИГЧДИЙН МЭДЭЭЛЭЛ:.....	4
8. САНХҮҮГИЙН ТАЙЛАНГИЙН ҮЗҮҮЛЭЛТ (2019 ОНЫ 2-Р УЛИРЛЫН БАЙДЛААР)	5
8.1. САНХҮҮГИЙН ҮНДСЭН ҮЗҮҮЛЭЛТҮҮД	5
8.2. “ХАРХОРИН” ХК-ийн жилийн эцсийн санхүүгийн тайланд хийсэн аудитын дүгнэлтийн тухай	6
8.3. ТАТВАРЫН ТАЙЛАНГИЙН ТУХАЙ (2019 ОНЫ 2-Р УЛИРЛЫН БАЙДЛААР):.....	11
9. КОМПАНИЙН ТУХАЙ ХУУЛЬД ЗААСАН ИХ ХЭМЖЭЭНИЙ БОЛОН СОНИРХЛЫН ЗӨРЧИЛТЭЙ ХЭЛЦЛИЙН ТАЛААРХ МЭДЭЭЛЭЛ.....	11
10. ҮНЭТ ЦААС ГАРГАГЧИЙН ГҮЙЦЭТГЭХ УДИРДЛАГЫН ХИЙЖ ГҮЙЦЭТГЭСЭН АЖЛЫН ТАЛААРХ МЭДЭЭЛЭЛ.....	11
11. ҮНЭТ ЦААС ГАРГАГЧИЙН ХУВЬЦАА ЭЗЭМШИГЧДИЙН ХУРАЛ, ТҮҮНИЙ ШИЙДВЭР	19
12. ҮНЭТ ЦААС ГАРГАГЧИЙН ТУЗ-ИЙН ШИЙДВЭРҮҮД.....	21
13. НӨЛӨӨ БҮХИЙ ХУВЬЦАА ЭЗЭМШИГЧДИЙН ӨӨРЧЛӨЛТИЙН ТАЛААРХ МЭДЭЭЛЭЛ.....	21

1. Үнэт цаас гаргагчийн нэр, оршин байгаа хаяг:

Хархорин ХК

Хаяг: Өвөрхангай аймаг, Хархорин сум, Эрдэнэ-толгой баг, Усжуулахын контор

Утас: 70327890, 99993800, 90999919

Факс: 70151955

Электрон хаяг: assistant.kh.kh@gmail.com

2. Хуулийн этгээдийн улсын бүртгэлийн мэдээлэл:

1.	Оноосон нэр	Хархорин
2.	Хариуцлагын хэлбэр	Нээлттэй Хувьцаат Компани
3.	Регистрийн дугаар	2015471
4.	Улсын бүртгэлийн дугаар	1010001006
5.	Үүсгэн байгуулагдсан огноо	1996.04.29
6.	Үндсэн эрхлэх үйл ажиллагаа	Чацаргана тариалах, бүтээгдэхүүн үйлдвэрлэх

3. Үнэт цаас гаргагчийн зорилго, үйл ажиллагааны стратеги, түүний хэрэгжилтийн талаарх мэдээлэл

Үнэт цаас гаргагчийн зорилго: Монгол Улсын хөдөө аж ахуйн салбарт тэргүүлэгч, чацаргана тариалагч, чацарганы бүтээгдэхүүн үйлдвэрлэгч аж ахуйн нэгж болох.

Үйл ажиллагааны стратеги: “Хархорин” ХК нь Монгол Улсад төдийгүй дэлхийд томоохонд орох нийт 3,000 гаруй га талбай бүхий чацарганы “Үндэсний цэцэрлэгт хүрээлэн” байгуулах төлөвлөгөөтэй ажиллаж байна. Үүнээс 2007 – 2018 онд нийт 600 гаруй га талбайд чацаргана тариалаад байгаа бөгөөд чацарганы ургацын хэмжээ жил тутам нэмэгдэж байна.

4. Үнэт цаас гаргагчийн түүх, тухайн зах зээлд эзэлж буй байр суурь, судалгаа

“Хархорин” ХК нь Монгол Улсын эртний нийслэл Хархорин хот, одоогийн Өвөрхангай аймгийн Хархорин сумын Эрдэнэтолгой багийн нутаг дэвсгэрт байрлаж байна. Хархорин сум нь Улаанбаатар хотоос баруун тийш 360 км, Өвөрхангай аймийн төвөөс зүүн хойш 130 км зайд оршдог.

“Хархорин” ХК нь анх 1956 онд БНМАУ-ын Засгийн газрын 100% хөрөнгө оруулалтаар Хархорин сум САА нэртэйгээр газар тариалан, мал аж ахуйн салбарт үйл ажиллагаа явуулж ирсэн түүхтэй Монголын томоохон САА нэг юм. 1990 онд Монгол оронд Ардчилсан

хувьсгал гарч ирсэнээр 1992 онд тус САА нь Хархорин ХК нэртэйгээр төрийн өмч хувийн өмчид шилжин 70% төр, 30% тухайн нутгийн ард иргэдэд өмчлөн холимог системээр үйл ажиллагаа явуулж эхэлсэн. 1992 оноос тус компанийн хэвийн ажиллагаа доголдож 2007 онд өмч хувьчлал буюу нээлттэй тендэр зарлан 100%, хувийн өмчид шилжсэн. Шилжсэн цагаас хойш тус компани нь өөрийн үндсэн үйл ажиллагааны чиглэлээ өөрчлөн Монгол Улсын засгийн газраас баталсан “Чацаргана”, “Ногоон хэрэм” хөтөлбөрийн хүрээнд, чацаргана үржүүлэх, тариалах чиглэлээр нийт 100 гаруй байнгын ажилтан ажиллагсадтай үйл ажиллагаагаа явуулж байна.

Тус компани нь Ерөнхий агрономич Л.Бямбасүрэнгээр ахлуулсан 6 бригад, бригадыг ахалсан мэргэжлийн 6 агрономичтойгоор агро үйлдвэрлэлийн үйл ажиллагаа эрхэлдэг. Компанийн эзэмшлийн газар нутгийн хувьд 4000 гаруй га талбай, Орхон голоос эх авсан усалтын 13 м сувагтай 2007 оноос эдүүгээ нийт 600 гаруй га талбайд чацарганы жимст цэцэрлэг байгуулах ажлыг амжилттай байгуулан ажиллаж байна. Мөн 2014 он ОХУ-аас гүзээлзгэнэ, бөөрөлзгөнө, алим гэх мэт төрлийн жимслэг ургамлыг нутагшуулах ажлыг зохион байгуулж байна.

“Хархорин” ХК нь Монгол Улсад хамгийн томд орох таримал чацарганы талбайтай бөгөөд бүрэн хүчин чадлаараа ажилласан тохиолдолд жилд нийт 2,000 гаруй тонн чацарганы жимс хураан авч дотоодын чацаргана боловсруулах үйлдвэрүүдэд нийлүүлэх хүчин чадалтай.

Монголын Чацарганы холбооноос авсан мэдээллээр одоогийн байдлаар Монгол Улсын хэмжээнд нийт 40 гаруй том жижиг чацаргана боловсруулах үйлдвэр үйл ажиллагаагаа явуулж байна. Эдгээрийн нийт хүчин чадлын хэмжээ нь жилд 5,000 орчин тонн түүхий чацаргана боловсруулах боломжтой. Үүнээс үзвэл “Хархорин” ХК нь дангаараа Монгол Улсын чацаргана боловсруулах үйлдвэрүүдийн нэг жилийн түүхий эдийн хэрэгцээний 40%-ийг хангах бололцоотой.

5. Үнэт цаас гаргагчийн бараа бүтээгдэхүүн, үйлчилгээний зах зээлд гарсан томоохон өөрчлөлт, үүнтэй холбоотой үүсч болох эрсдлийн тухай мэдээлэл:

Тайлант хугацаанд “Хархорин” ХК-ийн бараа бүтээгдэхүүний гол зах зээл болох жимс, жимсгэнэ, тэр дундаа чацарганы дотоод болон гадаад зах зээлд томоохон өөрчлөлт гараагүй болно.

2019 онд манай улсын газар тариалангийн бүс нутгуудаар хур бороо элбэг, зуншлага сайн байгаа. Иймд компанийн зүгээс 2019 онд чацаргана жимсний арвин их ургац хураах төлөвлөгөөтэй ажиллаж байна.

6. Үнэт цаас гаргагчийн удирдлага, эрх бүхий албан тушаалтнуудын танилцуулга:

П.Бишрэл	ТУЗ-ийн Дарга
Л.Хосбаяр	ТУЗ-ийн ердийн гишүүн
О.Төмөрбаатар	ТУЗ-ийн ердийн гишүүн, Цалин, урамшууллын хорооны дарга
Ц.Энх-Амгалан	ТУЗ-ийн ердийн гишүүн, Аудитын хорооны гишүүн
Ж.Энхтөр	ТУЗ-ийн ердийн гишүүн, Нэр дэвшүүлэх хорооны дарга
П.Учрал	ТУЗ-ийн ердийн гишүүн
Б.Амарсанаа	ТУЗ-ийн хараат бус гишүүн, Аудитын болон Цалин, урамшуулалын хороодын гишүүн
С.Амгалан	ТУЗ-ийн хараат бус гишүүн, Аудитын хорооны дарга, Нэр дэвшүүлэх хорооны гишүүн
Б.Бүрэн	ТУЗ-ийн хараат бус гишүүн, Нэр дэвшүүлэх болон Цалин, урамшууллын хороодын гишүүн
Р.Саранцэцэг	Гүйцэтгэх захирал
Б.Ганбат	ТУЗ-ийн нарийн бичгийн дарга
Д.Дашмаа	Ерөнхий нягтлан бодогч

7. Үнэт цаас гаргагчийн нийт гаргасан хувьцааны 5 болон түүнээс дээш хувийг эзэмшигчдийн мэдээлэл:

Д.д	Хувьцаа эзэмшигчийн овог, нэр	Эзэмшиж байгаа хувьцааны тоо	Эзлэх хувь
1	Сүрэнжавын Пүрэв	377,660	70.00%
2	Монгол Улсын хуулийн этгээд “Селус Номадс” ХХК	102,390	18.98%

8. Санхүүгийн тайлангийн үзүүлэлт (2019 оны 2-р улирлын байдлаар)

8.1. Санхүүгийн үндсэн үзүүлэлтүүд

Үнэт цаас гаргагч нь 2019 оны эхний хагас жилийн санхүүгийн байдлын тайлан, орлого үр дүнгийн тайланг 2019.01.01-с 2019.06.30-ний тайлант хугацаанд өссөн дүнгээр Монгол улсад мөрдөгдөж байгаа хууль тогтоомж заавар журам, нягтлан бодох бүртгэлийн болон санхүүгийн тайлагналын олон улсын стандартын дагуу бэлтгэж тайлан хүлээн авах эрх бүхий газруудад хуулийн хугацаанд хүргүүлэн ажилласан. Хөрөнгө оруулагчид, хувьцаа эзэмшигчид нь “Хархорин” ХК-ийн 2019 оны эхний хагас жилийн санхүүгийн тайлантай Монголын хөрөнгийн биржийн цахим хуудаснаас танилцах боломжтой.

“Хархорин” ХК-ийн 2019 оны эхний хагас жилийн санхүүгийн тайлангийн дагуу нийт хөрөнгө 7,746.9 сая.төг болсон. Энэ нь өнгөрсөн оны мөн үеийн үзүүлэлт болох 8,065.9 сая.төг-с 4%-р буурсан үзүүлэлт юм.

2019 оны эхний хагас жилийн байдлаар нийт үндсэн хөрөнгө элэгдэл хассан дүнгээр 1,847.8 сая төгрөг, түүнчлэн биологийн хөрөнгө 1,082.8 сая. төгрөг болж эргэлтийн бус хөрөнгийн дүн 2,930.6 сая төгрөг болсон.

2019 оны эхний хагас жилээр мөнгөн ба түүнтэй адилтгах хөрөнгө 2,913.9 мян.төг, авлагын нийт дүн 754,887.8 мян. төг, бараа материал нийт 386,653.4 мян.төг, дуусаагүй үйлдвэрлэл 2,374,981.1 мян.төг, бусад санхүүгийн хөрөнгө 1,296,917.6 мян.төг болж эргэлтийн хөрөнгийн дүн 4,816,353.8 мян. төгрөг болсон.

Урт болон богино хугацаат өр төлбөрийн хувьд 2019 оны эхний хагас жилийн санхүүгийн тайлангийн дагуу “Хархорин” ХК нь нийт 140,000.0 мян.төг-ийн урт хугацаат зээлийн үлдэгдэлтэй, богино хугацаат өр төлбөр 8,261,859.3 мян.төг, нийт 8,401,859.3 мян.төг-ийн өр төлбөртэй гэж гарсан.


Үр дүнгийн тооцоо

Тайлант хугацаанд:	Борлуулалтын нийт орлого:	251,239.4 мян.төг
	Борлуулалтын өртөг:	251,125.9 мян.төг
	Борлуулалтын ашиг:	113.5 мян.төг
	Үйл ажиллагааны бус орлого:	2,636.3 мян.төг
	Ерөнхий ба удирдлагын зардал:	90,422.8 мян.төг
	Бусад зардал:	13,970.9 мян.төг

болж тайлант үеийн цэвэр ашиг татвар төлөхийн өмнөх байдлаар хасах 101,643.9 мян.төг болсон. Үүнээс орлогын албан татварын зардал 0.0 гэж үзвэл, тайлант үеийн алдагдал татварын дараах дүнгээр 101,643.9 мян.төг болно.

8.2. “Хархорин” ХК-ийн жилийн эцсийн санхүүгийн тайланд хийсэн аудитын дүгнэлтийн тухай

Компани нь Санхүүгийн зохицуулах хороонд бүртгэлтэй аудитын компани болох “Улиастай Ван Аудит” ХХК аудитын компаниар өөрийн 2018 оны жилийн эцсийн санхүүгийн тайланд аудит хийлгэсэн болно.

“УЛИАСТАЙ ВАН –АУДИТ” ХХК <i>Аудит, нягтлан бодох бүртгэл, санхүүгийн зөвлөгөө, сургалтын итгэмжлэгдсэн байгууллага</i>		“ULIASTAI VAN-AUDIT” LLC <i>Auditing, Accounting, Consulting and Training</i>
2019 оны 2 дугаар сарын 19-ны өдөр	Дугаар 61/19	Улаанбаатар хот.

ХАРААТ БУС АУДИТОРЫН ДҮГНЭЛТ

**“ХАРХОРИН” ХК-ийн
УДИРДЛАГАД**

Бид “ХАРХОРИН” ХК ийн (цаашид “Компани” гэх) 2018 оны 12 дугаар сарын 31-ны санхүүгийн байдлын тайлан, тухайн өдрөөр тасалбар болгосон жилийн орлогын дэлгэрэнгүй тайлан, өмчийн өөрчлөлтийн тайлан, мөнгөн гүйлгээний тайлан эдгээр санхүүгийн тайлантай холбоотой нэмэлт тодруулга болон нягтлан бодох бүртгэлийн бодлогуудад аудит хийлээ.

Санхүүгийн тайлантай холбоотой удирдлагын хариуцлага
Эдгээр санхүүгийн тайлангуудыг Санхүүгийн тайлагналын олон улсын стандартын дагуу бэлтгэж, толилуулах нь компанийн удирдлагын үүрэг болно. Энэхүү үүрэг хариуцлагад санхүүгийн тайлангуудыг залилан юмуу алдаанаас үүдэлтэй материаллаг буруу илэрхийлэлгүйгээр бэлтгэж, шударгаар толилуулахтай холбоотой дотоод хяналтын системийг зохиож, хэрэгжүүлэн, түүнийгээ тууштай ажиллуулах, нягтлан бодох бүртгэлийн тохиромжтой бодлогуудыг сонгож, хэрэглэх, нөхцөл байдалд тохируулан нягтлан бодох бүртгэлийн тооцоолуудыг хийх зэрэг зүйлс багтана.

Аудиторын үүрэг хариуцлага
Бидний үүрэг хариуцлага бол гүйцэтгэсэн аудитдаа тулгуурлан эдгээр санхүүгийн тайлангуудад дүгнэлт гаргах явдал юм. Бид аудитаа Аудитын Олон Улсын Стандартын дагуу хийж гүйцэтгэдэг. Эдгээр стандартууд нь ёс зүйн шаардлагуудыг баримталж, санхүүгийн тайлангууд нь материаллаг зөрчилгүй илэрхийлэгдсэн эсэх талаар ул үндэслэлтэй баталгаа олж авах зорилгоор аудитыг төлөвлөж, гүйцэтгэхийг биднээс шаарддаг. Аудитын үед санхүүгийн тайлангууд дахь дүн болон тодруулгын талаар аудитын нотолгоо олж авахад чиглэгдсэн горимуудыг гүйцэтгэсэн. Эдгээр горимуудыг аудиторын шийдэлд суурилан сонгосон бөгөөд үүнд, залилан юмуу алдаанаас үүдэлтэй материаллаг буруу илэрхийллийн эрсдлийн тооцоолол багтдаг. Эдгээр эрсдлийн тооцоололыг хийхтэй холбоотойгоор аудитор компанийн дотоод хяналтын үр нөлөөтэй байдалд нь дүгнэлт өгөх зорилгоор бус харин тухайн нөхцөл байдалд тохирсон аудитын горимыг сонгож хэрэглэх зорилгоор компанийн санхүүгийн тайланг бэлтгэж, шударгаар толилуулахад зориулан хэрэглэж байгаа дотоод хяналтыг авч үздэг. Мөн санхүүгийн тайлагналыг бүхэлд нь үнэлэхээс гадна, удирдлагын зүгээс хийсэн томоохон тооцоолуудын үндэслэлтэй байдал, хэрэглэсэн нягтлан бодох бүртгэлийн бодлогуудын тохиромжтой байдлыг үнэлэх ажлыг бидний аудит багтаасан. Бидний гүйцэтгэсэн аудит нь аудитын дүгнэлт хангалттай бөгөөд зохистой аудитын нотолгоогоор хангагдсан гэж бид итгэж байна.

Дүгнэлтийн үндэслэл
Бид аудитаа Аудитын олон улсын стандарт (АОУС)-ын дагуу хийсэн. Эдгээр стандартын дагуу хүлээх хариуцлагаа энэхүү тайлангийн Санхүүгийн тайлангийн аудитад Аудиторын хүлээх хариуцлага хэсэгт тайлбарласан. Нягтлан бодогчдын ёс зүйн олон улсын стандартын зөвлөл (НБЭЗОУСЗ)-өөс гаргасан Мэргэжлийн нягтлан бодогчдын ёс зүйн дүрэм болон Аудитын тухай Монгол улсын хуулиар санхүүгийн тайлангийн аудитад тавигдах ёс зүйн шаардлагын дагуу Бид компаниас хараат бус бөгөөд хууль болон НБЭЗОУСЗ-өөс гаргасан дүрмийн шаардлагын дагуу тавигддаг ёс зүйн үүрэг хариуцлагаа бүрэн биелүүлсэн. Бидний олж авсан аудитын нотолгоо нь дүгнэлт гаргахад хангалттай бөгөөд зохистой үндэслэл болно гэдэгт найдаж байна.

Хэрэглээний хязгаарлалт
Энэхүү тайлан нь Монгол улсын “Компанийн тухай хууль”-ийн 94 дүгээр зүйлд заасан хуулийн этгээд болох хувьцаа эзэмшигчийн хүсэлтийн дагуу зөвхөн компанийн хувьцаа эзэмшигчдэд зориулагдсан ба аливаа нэг өөр зорилго агуулаагүй болно. Бид энэхүү тайлангийн агуулгын хүрээнд бусад этгээдийн өмнө үүрэг хариуцлага хүлээхгүй болно.

Бусад хууль тогтоомж, захиуулалтын шаардлагын талаарх тайлан
Түүнчлэн, санхүүгийн тайлан бэлтгэхдээ Монгол улсад мөрдөж байгаа нягтлан бодох бүртгэлийн зарчмууд болон Сангийн сайдын бөгөөс нягтлан бодох бүртгэлийн журам, заавартай нийцжээ байна.

“УЛИАСТАЙ ВАН АУДИТ” ХХК

Чөлөөтэй дүүрэг, 3-р хороо
Эхлэлтийн өргөн чөлөө
CANON мөм, 6 давхар, 602 мөм


УЛИАСТАЙ
ВАН-АУДИТ ХХК
Page: 02

Утас: 70157405, 99097405, 96969399
Мэйл хаяг: uliastai.van.audit@ubaudit.mn
Вэб хуудас: ubaudit.mn
Улаанбаатар Монгол улс

Зураг 1. Хараат бус аудиторын дүгнэлт

"ХАРХОРИН" ХК
АУДИТЛАГДСАН САНХҮҮГИЙН БАЙДЛЫН ТАЙЛАН
 2018 оны 12 дугаар сарын 31-ний өдрөөрхи

	(мянган төгрөг)	
	<u>2017.12.31</u>	<u>2018.12.31</u>
Хөрөнгө		
Мөнгө ба түүнтэй адилтгах зүйлс	2 077	1 897
Дансны авлага	1 462 622	903 269
Бусад авлага	268 650	268 650
Татвар, НДШ-ийн авлага	1 296 918	1 296 918
Бараа материал	552 452	425 494
Үндсэн хөрөнгө	1 660 432	1 647 844
Биологийн хөрөнгө	1 082 788	1 082 788
Бусад эргэлтийн хөрөнгө	1 953 901	2 095 102
Нийт хөрөнгийн дүн	<u>8 279 839</u>	<u>7 721 961</u>
Өр төлбөр		
Богино хугацаат өр төлбөр		
Дансны өглөг	5 412 655	6 089 839
Татварын өр	33 523	11 558
НДШ өглөг	6 460	11 718
Хүүний өглөг	129 007	380 036
Богино хугацаат зээл	1 177 983	1 015 753
Богино хугацаат өр төлбөрийн дүн	<u>6 832 139</u>	<u>7 601 811</u>
Урт хугацаат өр төлбөр		
Бусад урт хугацаат өр төлбөр		
Урт хугацаат зээл	1 890 000	673 380
Урт хугацаат өр төлбөрийн дүн	<u>1 890 000</u>	<u>673 380</u>
Өр төлбөрийн нийт дүн	<u>8 722 139</u>	<u>8 275 191</u>
Эзэмшигчдийн өмч		
Өмч /хувийн/	836 220	836 220
Хуримтлагдсан ашиг алдагдал	(1 278 520)	(1 389 450)
Эзэмшигчдийн өмчийн дүн	<u>(442 300)</u>	<u>(553 230)</u>
Өр төлбөр эзэмшигчдийн өмчийн дүн	<u>8 279 839</u>	<u>7 721 961</u>




Зураг 2. "Хархорин" ХК-ийн 2018 оны жилийн эцсийн аудитлагдсан санхүүгийн байдлын тайлан

"ХАРХОРИН" ХК
АУДИТЛАГДСАН ДЭЛГЭРЭНГҮЙ ОРЛОГЫН ТАЙЛАН
 2018 оны 12 дугаар сарын 31-ний өдрөөрхи

(мянган төгрөг)

	2017.12.31	2018.12.31
Борлуулалтын орлого	1 219 794	1 362 445
Борлуулалтын өртөг	975 971	1 336 367
Нийт ашиг, (алдагдал)	243 823	26 079
Бусад орлого	97 345	90 575
Ерөнхий ба удирдлагын зардал	210 619	178 915
Бусад зардал	93 752	48 669
Бусад ашиг алдагдал		
Татвар төлөхийн өмнөх ашиг, алдагдал	36 797	(110 930)
Орлогын албан татварын зардал	3 198	
Татварын дараах ашиг, алдагдал	33 600	(110 930)
Тайлант үеийн цэвэр ашиг, алдагдал	33 600	(110 930)
Цэвэр ашиг (алдагдал)	33 600	(110 930)



Зураг 3. "Хархорин" ХК-ийн 2018 оны жилийн эцсийн аудитлагдсан орлогын тайлан

"ХАРХОРИН" ХК
 АУДИТЛАГДСАН ӨМЧИЙН ӨӨРЧЛӨЛТИЙН ТАЙЛАН
 2018 оны 12 дугаар сарын 31-ний өдрөөрхи

(мянган төгрөг)

	Өмч	Хөрөнгийн дахин үнэлгээний нэмэгдэл	Эздийн өмчийн бусад хэсэг	Хуримтлагдсан ашиг (алдагдал)	Өмчийн дүн
2017 оны 12 дугаар сарын 31-ний үлдэгдэл	836 220			(1 278 520)	(442 300)
Бүртгэлийн бодлогын өөрчлөлт					-
Залруулсан үлдэгдэл	836 220	-	-	(1 278 520)	(442 300)
Бусад дэлгэрэнгүй орлого					-
Өмчид гарсан өөрчлөлт					-
Тайлангийн үеийн цэвэр ашиг (алдагдал)					-
Хуваарилсан ногдол ашиг					-
Эзэмшигчдийн өмчийн бусад хэсэг					-
2017 оны 12 дугаар сарын 31-ний үлдэгдэл	836 220	-	-	(1 278 520)	(442 300)
Бүртгэлийн бодлогын өөрчлөлт					-
Залруулсан үлдэгдэл	836 220	-	-	(1 278 520)	(442 300)
Бусад дэлгэрэнгүй орлого					-
Тайлангийн үеийн цэвэр ашиг (алдагдал)				(110 930)	(110 930)
Зарласан ногдол ашиг					-
Өмчид гарсан өөрчлөлт					-
2018 оны 12 дугаар сарын 31-ний үлдэгдэл	836 220	-	-	(1 389 450)	(553 230)

УЛИАСТАЙ
 ВАН-АУДИТ ХХК
 Page: 05.....

Зураг 4. "Хархорин" ХК-ийн 2018 оны жилийн эцсийн аудитлагдсан өмчийн өөрчлөлтийн тайлан

"ХАРХОРИН" ХК
 АУДИТЛАГДСАН МӨНГӨН ГҮЙЛГЭЭНИЙ ТАЙЛАН
 2018 оны 12 дугаар сарын 31-ний өдрөөрхи

	(мянган төгрөг)	
	2017.12.31	2018.12.31
Үндсэн үйл ажиллагааны мөнгөн гүйлгээ		
Мөнгөн орлогын дүн	2 558 265	2 750 270
Бараа борлуулсан, үйлчилгээ үзүүлсний орлого	214 120	29 174
Бусад орлого	2 344 145	2 721 097
Мөнгөн зарлагын дүн	2 558 052	2 750 451
Ажилчдад төлсөн	372 140	313 318
НД-ийн байгууллагад төлсөн	102 185	123 973
Бараа материал худалдан авахад төлсөн	26 521	6 464
Ашиглалтын зардалд төлсөн мөнгө	21 461	13 152
Түлш шатахуун, тээврийн хөлс, сэлбэг хэрэгсэд төлсөн мөнгө	88 101	50 362
Хүүний төлбөрт төлсөн мөнгө	364 004	183 154
Татварын байгууллагад төлсөн мөнгө	29 517	54 142
Бусад мөнгөн зарлага	1 554 123	2 005 887
Үндсэн үйл ажиллагааны цэвэр мөнгөн гүйлгээний дүн	212	(180)
Хөрөнгө оруулалтын үйл ажиллагааны мөнгөн гүйлгээ		
Мөнгөн орлогын дүн	-	-
Үндсэн хөрөнгө борлуулсны орлого		
Бусад олгосон зээл, мөнгөн урьдчилгааны буцаан төлөлт		
Мөнгөн зарлагын дүн	-	-
Үндсэн хөрөнгө олж эзэмшихэд төлсөн		
Бусад		
Хөрөнгө оруулалтын цэвэр мөнгөн гүйлгээний дүн	-	-
Санхүүгийн үйл ажиллагааны мөнгөн гүйлгээ		
Мөнгөн орлогын дүн	-	-
Зээл авсан, өрийн үнэт цаас гаргаснаас хүлээн авсан		
Бусад		
Мөнгөн зарлагын дүн	-	-
Зээл, өрийн үнэт цаас төлбөрт төлсөн мөнгө		
Бусад		
Санхүүгийн үйл ажиллагааны цэвэр мөнгөн гүйлгээний дүн	-	-
Валютын ханшийн зөрүү		
Бүх цэвэр мөнгөн гүйлгээ	212	(180)
Мөнгө, түүнтэй адилтгах хөрөнгийн эхний үлдэгдэл	1 865	2 077
Мөнгө, түүнтэй адилтгах хөрөнгийн эцсийн үлдэгдэл	2 077	1 897

Зураг 5. "Хархорин" ХК-ийн 2018 оны жилийн эцсийн аудитлагдсан мөнгөн гүйлгээний тайлан

8.3. Татварын тайлангийн тухай (2019 оны 2-р улирлын байдлаар):

“Хархорин” ХК нь 2019 оны 01 болон 02 дугаар улирлын татварын тайлангуудаа Монгол улсын Татварын багц хууль, тогтоомж, заавар журмын дагуу хуулийн хугацаанд гаргаж цахимаар харьяа татварын байгууллагад илгээж баталгаажуулсан болно.

9. Компанийн тухай хуульд заасан их хэмжээний болон сонирхлын зөрчилтэй хэлцлийн талаарх мэдээлэл

Тайлант хугацаанд “Хархорин” ХК нь өөрөө Монгол Улсын Компанийн тухай хуулийн дагуу их хэмжээний болон сонирхлын зөрчилтэй хэлцэл хийгээгүй болно. “Ди Би Эм Лизинг” ХХК-с лизингийн нөхцөлөөр дуслын усалгааны систем худалдан авах хэлцэл нь Компанийн тухай хуулийн дагуу их хэмжээний хэлцэлд тооцогдохоор байсан боловч хэлцэл хийгдэх эсэх нь тус лизингийн байгууллагатай холбоотой шалтгаанаар өдийг хүртэл шийдэгдээгүй байна.

10. Үнэт цаас гаргагчийн гүйцэтгэх удирдлагын хийж гүйцэтгэсэн ажлын талаарх мэдээлэл

“Хархорин” ХК нь 2019 онд 730 тонн чацарганы ургац хураан авах төлөвлөгөө гарган ажиллаж байна.

2019 оны 03 сараас эхлэн усалгааны суваг шуудууны тоног төхөөрөмжийг засаж сэлбэх, өөрөө явдаг болон дүүжин, чиргүүлэн машин техник, тоног, төхөөрөмжүүдийг өвлийн тэг зогсолтоос гаргахаар усалгааны бригад, засварын газрын жолооч, механикжуулагчдыг ажилд нь оруулан засварын ажлуудыг хийлгэсэн.

Компанийн газар тариалангийн болон жимст цэцэрлэгийн талбайн ажил 2019 оны 3 сарын 25-аас эхлэн одоог хүртэл гүйцэтгэл сайтай явагдаж байна.

Мөн 4, 5-р саруудад нийт ажилчдыг соён гэгээрүүлэх, мэдлэг боловсролыг нэмэгдүүлэх үүднээс компанийн мэргэжилтнүүд болон Хархорин сумын Цагдаагийн хэлтэстэй хамтран ажиллах гэрээний дагуу сургалт, семинар зохион байгуулсан.

2019 оны 05-р сард Хархорин сумын Засаг даргын Тамгын Газраас зохион байгуулж буй “Архидалтгүй орчин амьдралын хэвшил” аяны хүрээнд байгууллагын аварга шалгаруулах Ширээний теннис”, “Шатар”, “Даам”- ны тэмцээнүүд зохион байгуулсан. 2019 оны 6-р сард байгууллагынхаа 5 ажилтныг Хөдөө Аж Ахуйн Зохистой Дадал олгоход сургах ажилтнаар сургаж мэргэшүүлсэн. Олон улсын нэгдсэн стандартчлалын хэмжүүр болох Хөдөө Аж Ахуйн Зохистой Дадал хэвшүүлэх шалгаруулалтын дагуу шаардагдах ажлуудыг хийж гүйцэтгэж байна.

2019 оны 5 сараас эхлэн чацаргана, хайлаас, шар хуайс болон бусад модны суулгац гаргаж эхэлсэн. Гадны байгууллага хувь хүмүүст 65751 ширхэг чацарганы, 19119 ширхэг хайлаасны, 788 ширхэг үхэр нүдний, 1837 ширхэг улиасны, 23 ширхэг шар хуайсны бут,

236 ширхэг бөөрөлзгөний, 13 ширхэг далан хальсны, 66 ширхэг гүзээлзгэний, 73 ширхэг моносны, 56 ширхэг улаалзганы 36 ширхэг нохойн хошууны, суулгацуудыг зарж борлуулсан.

Мөн тус оны эхний хагаст МАА-д бод мал 45 толгой (9 адуу, 36 үхэр) бог мал 493 толгой (423 хонь, 70 ямаа), (9 адуу, 37 үхэр) болон өсөж мал сүргийн тоо толгой өсөн нэмэгдэж байна.

2019 оны 4 сард Монгол улсад Атар газар хагалж, газар тариалангийн салбар үүсч хөгжсөний 60 жилийн ойд зориулсан ажлын хүрээнд Өвөрхангай аймгийн болон Хархорин сумын газар тариалан эрхлэгчдийн хаврын зөвлөгөөнд болон уг ажлын хүрээнд сумын хэмжээнд зохиогдож буй нийт 3 удаагийн хурал цуглаанд оролцож энэ онд зохиогдох ажлуудын талаар санал солилцож хамтарсан хөтөлбөрийн дагуу ажил зохион байгуулж байна. Тухайлбал:

1. 05-р сарын 04-07-нд Өвөрхангай аймагт зохион байгуулагдсан Жимс жимсгэнэ болон бусад модлог ургамал тариалах “Тарьц суулгацын үзэсгэлэн худалдаа”-нд идэвх санаачлагатай оролцож 10 гаруй сая төгрөгийн суулгац борлуулсан.
2. 2019 оныг Өвөрхангай аймгийн Засаг Даргын Тамгын Газраас “Ногоон байгууламжийг нэмэгдүүлэх жил” болгон зарласантай холбоотойгоор Өвөрхангай аймгийн 6 суманд сум бүрт хайлаас 700 ш, улиас 70 ш, чимэглэлийн модны 30 ширхэг бүгд 800 ширхэг суулгацыг буюу нийт дүнгээрээ 4800 ширхэг суулгацыг хамтран ажиллах гэрээний дагуу худалдан борлуулсан.
3. “Ногоон ази сүлжээ” ТББ-д хамтран ажиллах гэрээний дагуу 6 сарын 6-16-ны хооронд нийт дүнгээр 30,000 ширхэг чацарганы суулгацыг худалдан борлуулсан.
4. 6-р сарын 29-ны өдөр Хархорин суманд зохион байгуулагдсан Өвөрхангай аймгийн газар тариалан эрхлэгчдийн “Хөдөө аж ахуйн техник технологийн Фарм шоу ”-нд тус компанийн Куадтрак-450 тракторыг үрлэгчийн хамт, Пума-210 тракторыг хавагчийн хамт, ЮМЗ-6 тракторыг жимст цэцэрлэгийн зэрлэг устгагч Тигре машины хамт, ЮМЗ-6 тракторыг өвс хаман боогч Киргизстан машины хамт болон Фотон комбайн зэрэг техникүүдийг оролцуулсан.
5. Мөн 6 сарын 29-ны өдөр Өвөрхангай аймгийн агрономичдын дунд зохион байгуулагдсан “Аймгийн шилдэг агрономич” шалгаруулах тэмцээнд агрономич Б.Мөнхбат, Г.Маргад-Эрдэнэ, Ц.Төмөрбаатар нарыг, механикжуулагчдын дунд зохион байгуулагдсан “Уран хагалгаа”-ны тэмцээнд механикжуулагч О.Сангидоржийг оролцуулсан.

2019 оны 06-р сарын 26-ны өдөр «Хархорин Тур» жуулчны баазад жуулчид хүлээн авах зориулалттай нийт 12 гэр барьж, тохижуулж жуулчид хүлээн авахад бэлэн болгосон.

2019 оны 06 сард компани болон охин компаниудын хагас жилийн хөрөнгийн тооллого хийгдэж байна.

Мөн энэ жил тариалалт хийх хүлэмжүүдийн хөрсийг шигшиж дуусаж байна.

2019 оны 6-р сарын 28-нд орсон ширүүн борооны улмаас үүссэн үерийн устай хамт урсаж ирсэн шавар, шороо компанийн усалгааны төв шуудуу уруу орсныг түрээсийн эксковатороор гаргуулсан.

Гүйцэтгэх захирлын хувьд компанийг өдөр тутмын шуурхай удирдлагаар байнга ханган, тулгамдсан асуудлуудыг богино хугацаанд шийдвэрлэн ажиллаж байна.

2019 оны эхний хагас жилд “Хархорин” ХК-ийн Чацарганы жимст ба эх цэцэрлэгийн талбайд хийгдсэн ажлын тайлан

2019 оны 03 сарын 25-ны өдөр компанийн бүх ажилчдын хурал хийж энэ оны ажлын төлөвлөгөөг танилцуулснаар энэ жилийн ажил эхэлсэн. Мөн өдөр агрономич, ЗАА-н ажилчдын хүчээр жимст цэцэрлэгийн талбайд тархсан хортон мэрэгчдийн эсрэг тэмцэх бромадиолонтой будаагаар хорт өгөөш бэлтгэж найруулах ажил эхэлсэн. 3-р сарын 26-ны өдрөөс эхлэн 6 хоногийн хугацаанд нийт жимст цэцэрлэгийн талбайд хортон мэрэгчдийн эсрэг хорт өгөөшийг мэрэгчдийн үүрний амсар, байнга явдаг жим зам дээр тавих ажил хийгдсэн. Энэ ажилд жимст цэцэрлэг хариуцсан бригадуудын нийт цэцэрлэгчид дараах байдлаар ажилласан болно. Үүнд: Г.Маргад-Эрдэнэ агрономичтой 1-р бригадын 4 цэцэрлэгчийн 16 хүн/өдөр хүчээр 46,5 га жимст цэцэрлэгийн талбайд, Б.Мэнддолгор агрономичтой 2-р бригадын 6 цэцэрлэгчийн 11 хүн/өдөр хүчээр 33 га жимст цэцэрлэгийн талбайд, 3-р бригадын 5 цэцэрлэгчийн 19 хүн/өдөр хүчээр 57 га жимст цэцэрлэгийн талбайд, 4-р бригадын 4 цэцэрлэгчийн 17 хүн/өдөр хүчээр 51 га жимст цэцэрлэгийн талбайд буюу нийт дүнгээрээ агроүйлдвэрлэлийн 4-н бригадын 19 цэцэрлэгчдийн 63 хүн/өдөр хүчээр 187,5 га жимст цэцэрлэгийн талбайд хортон мэрэгчдийн эсрэг хорт өгөөш тавьж тэмцсэн.

3-р сарын 31-ний өдөр нийт жимст цэцэрлэг хариуцсан бригадын цэцэрлэгчдийн хүчээр жимст цэцэрлэгийн талбайд талбайн хогийг цэвэрлэсэн ба энэ ажилд 1-р бригадын 4 цэцэрлэгчийн 4 хүн/өдөр хүчийг, 2-р бригадын 3 цэцэрлэгчийн 6 хүн/өдөр хүчийг, 3-р бригадын 3 цэцэрлэгчийн 1,5 хүн/өдөр хүчийг, 4-р бригадын 5 цэцэрлэгчийн 5 хүн/өдөр хүчийг буюу нийт дүнгээрээ агроүйлдвэрлэлийн 4-н бригадын 15 цэцэрлэгчдийн 16,5 хүн/өдөр хүчийг ашигласан.

4-р сарын 2-ны өдрөөс эхлэн нийт жимст цэцэрлэг хариуцсан цэцэрлэгчдийн хүчээр суваг цэвэрлэх ажил эхэлсэн. Сумын төвийн дундуур урсдаг төв сувгийг гараар цэвэрлэх ажил 4-р сарын 21-ний өдөр хүртэл буюу нийтдээ 13 хоног үргэлжилсэн. Энэ ажилд 1-р бригадын 8 цэцэрлэгчийн 39 хүн/өдөр хүчээр 122,4 м3 сувгийн шавар шороог сувгийн ёроолоос ухаж гаргаад, 6 хүн/өдөр хүчээр сумын төвийн дундуур гардаг сувгийн хэсгээс сувгийн шавар шороог тракторын чиргүүл, самосвалд ачиж хогийн цэг дээр аваачиж буулгаж асгасан. 2-р бригадын 8 цэцэрлэгчийн 37,5 хүн/өдөр хүчээр 112 м3 сувгийн шавар шороог сувгийн ёроолоос ухаж гаргасан. 3-р бригадын 6 цэцэрлэгчийн 37,5 хүн/өдөр хүчээр 119,5 м3 сувгийн шавар шороог сувгийн ёроолоос ухаж гаргаад, 3 хүн/өдөр хүчээр сумын төвийн дундуур гардаг сувгийн хэсгээс сувгийн шавар шороог тракторын чиргүүл, самосвалд ачиж хогийн цэг дээр аваачиж буулгаж асгасан. 4-р бригадын 7 цэцэрлэгчийн 44,5 хүн/өдөр хүчээр 113,8 м3 сувгийн шавар шороог сувгийн ёроолоос ухаж гаргаад, 3 хүн/өдөр хүчээр сумын төвийн дундуур гардаг сувгийн хэсгээс сувгийн шавар шороог тракторын чиргүүл, самосвалд ачиж хогийн цэг дээр аваачиж буулгаж асгасан. Нийт дүнгээрээ компанийн агро

үйлдвэрлэлийн 4 бригадын 29 цэцэрлэгчдийн 158,5 хүн/өдөр хүчээр 467,7 м3 сувгийн шавар шороог сувгийн ёроолоос ухаж гаргаад, 12 хүн/өдөр хүчээр сумын төвийн дундуур гардаг сувгийн хэсгээс сувгийн шавар шороог тракторын чиргүүл, самосвалд ачиж хогийн цэг дээр аваачиж буулгаж асгасан.

4-р сард ямаа самнах, Хархорин тур жуулчны баазын үйлчилгээнд ажиллах зэрэг аж ахуйн ажилд 1-р бригадын 3 хүн/өдөр хүчээр, 2-р бригадын мөн 1 хүн/өдөр хүчээр, 3-р бригадын 2 хүн/өдөр хүчээр, 4-р бригадын 2 хүн/өдөр хүчээр буюу нийт дүнгээрээ бригадуудын 8 хүн/өдөр хүчээр аж ахуйн ажил хийлгэсэн.

4-р сард 3-р бригадын нэг цэцэрлэгчийн 14,7 хүн/өдөр хүчээр компаний аж ахуйн хашаанд байрлах 2 дарлаганд тариалсан хэмхний үрслэгний усалгаа, арчилгааны ажлыг хийлгэсэн. 4-р сарын 10–11-нд жимс хөлдөөх хөлдөөгчийн барилгын дотор хураалттай байсан “Хархорин Шим” ХХК-ны тэжээлийн улаан буудайг дахин шуудайлж, савлан ачиж зөөн хураах ажилд нийт жимст цэцэрлэг хариуцсан бригадуудын хүн хүчийг ашигласан ба энэ ажилд 1-р бригадын 6 цэцэрлэгчийн 12 хүн/өдөр хүчийг, 2-р бригадын 5 цэцэрлэгчийн 6,5 хүн/өдөр хүчийг, 3-р бригадын 6 цэцэрлэгчийн 6 хүн/өдөр хүчийг, 4-р бригадын 5 цэцэрлэгчийн 9 хүн/өдөр хүчийг буюу агроүйлдвэрлэлийн 4 бригадын 22 цэцэрлэгчийн 33,5 хүн/өдөр хүчийг тус тус ашигласан.

4-р сарын 13–15-нд гурван өдрийн турш “Хархорин Шим” ХХК-ны тариалангийн талбайн заагуудад хортон мэрэгчдийн эсрэг хорт өгөөш тавьж тэмцэх ажил хийгдсэн ба энэ ажилд нийт жимст цэцэрлэг хариуцсан бригадуудын хүн хүчийг мөн авч ажиллуулсан. Энэ ажилд 1-р бригадын 6 цэцэрлэгчийн 9 хүн/өдөр хүчээр 49,8 га талбайд, 2-р бригадын 4 цэцэрлэгчийн 4 хүн/өдөр хүчээр 24 га талбайд, 3-р бригадын 6 цэцэрлэгчийн 8,5 хүн/өдөр хүчээр 47,5 га талбайд, 4-р бригадын 5 цэцэрлэгчийн 7,5 хүн/өдөр хүчээр 41,5 га талбайд буюу агроүйлдвэрлэлийн 4 бригадын 21 цэцэрлэгчийн 29 хүн/өдөр хүчээр 162,8 га талбайд хорт өгөөш тавьж тэмцсэн.

4-р сарын 20–23-ны хооронд бойжуулгын 5-Б талбайд 2013 онд тариалагдсан байсан, хөгширч актлагдсан чацарганы суулгацыг трактороор үндсийг нь хавж зөөлрүүлээд гараар талбайгаас түүж аван хуучин 6-р харуулын цэг байсан талбарт зөөж асгах ажил хийгдсэн. Энэ ажилд бригадууд дараах байдлаар оролцсон. 1-р бригадын 9 цэцэрлэгчийн 23 хүн/өдөр хүчээр 4600 метр урт мөрний, 2-р бригадын 9 цэцэрлэгчийн 25 хүн/өдөр хүчээр 5000 метр урт мөрний, 3-р бригадын 6 цэцэрлэгчийн 16 хүн/өдөр хүчээр 3200 метр урт мөрний, 4-р бригадын 9 цэцэрлэгчийн 23,5 хүн/өдөр хүчээр 4700 метр урт мөрний буюу нийт дүнгээрээ дөрвөн бригадын 33 цэцэрлэгчийн 87,5 хүн/өдөр хүчээр 17500 метр урт мөрний суларсан хөгшин суулгацыг түүж аван тракторын чиргүүл дээр ачиж аваачиж асгасан.

4-р сарын 23-25-нд дээрх хөгширч актлагдсан суулгацаас нь чөлөөлсөн 5Б бойжуулгын талбайн зүүн үзүүрээс гурван удаагийн үйлдлээр 4 га талбайг ПУМА трактороор эргүүлэн хагалж, борнойдож тэгшлээд ЮМЗ-6 трактор болон 2-р бригадын 4 цэцэрлэгчийн хүчээр хайрцаг хийх шуудуу татуулаад, энэ жилийн бойжуулгын хайрцаг хийх ажил эхэлсэн.

4-р сарын 26–аас эхлэн гурван удаагийн үйлдлээр дээрх бойжуулгын талбайд 3 х 3 м хэмжээтэй хайрцгууд хийж энэ жилийн хүлэмжийн ногоон мөчрийн тарьц тариалах ажил хийгдсэн. Энэ ажилд нийт жимст цэцэрлэг хариуцсан бригадуудын нийт хүн хүчийг ашигласан ба үүнд:

4-р сард 1-р бригадын 7 цэцэрлэгчийн 17,5 хүн/өдөр хүчээр 176 хайрцаг, 2-р бригадын 11 цэцэрлэгчийн 18,4 хүн/өдөр хүчээр 178 хайрцаг, 3-р бригадын 7 цэцэрлэгчийн 15,5 хүн/өдөр хүчээр 130 хайрцаг, 4-р бригадын 9 цэцэрлэгчийн 26 хүн/өдөр хүчээр 265 хайрцгийг буюу дөрвөн бригадын 34 цэцэрлэгчийн 77,4 хүн/өдөр хүчээр 749 хайрцаг хийлгэж тариалалтад бэлэн болгосон.

5-р сард 1-р бригадын 6 цэцэрлэгчийн 7,8 хүн/өдөр хүчээр 106 хайрцаг, 2-р бригадын 12 цэцэрлэгчийн 28,1 хүн/өдөр хүчээр 301 хайрцаг, 3-р бригадын 7 цэцэрлэгчийн 8,1 хүн/өдөр хүчээр 83 хайрцаг, 4-р бригадын 9 цэцэрлэгчийн 23,5 хүн/өдөр хүчээр 216 хайрцгийг буюу дөрвөн бригадын 34 цэцэрлэгчийн 67,5 хүн/өдөр хүчээр 706 хайрцгийг нэмж хийлгэн тариалалтад бэлэн болгосон.

4-р сард 2-р бригадын 11 цэцэрлэгчийн 16 хүн/өдөр хүчээр хүлэмжийн 282 нуруунаас 95429 ширхэг тарьцыг ухаж гарган ялгаж, тоолж, савлан пад тракторын чиргүүл дээр ачиж тариалалт хийж буй бригадуудад нийлүүлсэн.

5-р сард 2-р бригадын 12 цэцэрлэгчийн 95,5 хүн/өдөр хүчээр хүлэмжийн 1495 нуруунаас 520631 ширхэг тарьцыг ухаж гарган ялгаж, тоолж, савлан пад тракторын чиргүүл дээр ачиж тариалалт хийж буй бригадуудад нийлүүлсэн.

4-р сард 1-р бригадын 7 цэцэрлэгчийн 9,5 хүн/өдөр хүчээр 43 хайрцагт 16685 ширхэг тарьцыг, 2-р бригадын 10 цэцэрлэгчийн 4,9 хүн/өдөр хүчээр 20,2 хайрцагт 5216 ширхэг тарьцыг, 3-р бригадын 7 цэцэрлэгчийн 12,5 хүн/өдөр хүчээр 59 хайрцагт 21084 ширхэг тарьцыг, 4-р бригадын 9 цэцэрлэгчийн 8,6 хүн/өдөр хүчээр 52 хайрцагт 14974 ширхэг тарьцыг буюу нийтдээ дөрвөн бригадын 33 цэцэрлэгчийн 35,5 хүн/өдөр хүчээр 174,2 хайрцагт 57959 ширхэг тарьцыг тариалсан. Тарьц тариалсан хайрцаг услах ажилд 1-р бригадын 1 цэцэрлэгчийн 1,5 хүн/өдөр хүчээр 46 хайрцагийг, 2-р бригадын 1 цэцэрлэгчийн 0,1 хүн/өдөр хүчээр 20 хайрцагийг, 3-р бригадын 2 цэцэрлэгчийн 0,5 хүн/өдөр хүчээр 59 хайрцагийг, 4-р бригадын 2 цэцэрлэгчийн 0,8 хүн/өдөр хүчээр 42 хайрцагийг буюу нийтдээ дөрвөн бригадын 6 цэцэрлэгчийн 2,9 хүн/өдөр хүчээр 167 хайрцгийг усалсан.

5-р сард 1-р бригадын 8 цэцэрлэгчийн 39,7 хүн/өдөр хүчээр 271,3 хайрцагт 100373 ширхэг тарьцыг, 2-р бригадын 12 цэцэрлэгчийн 26,9 хүн/өдөр хүчээр 201 хайрцагт 47613 ширхэг тарьцыг, 3-р бригадын 7 цэцэрлэгчийн 28,6 хүн/өдөр хүчээр 158 хайрцагт 57223 ширхэг тарьцыг, 4-р бригадын 9 цэцэрлэгчийн 69,2 хүн/өдөр хүчээр 584,8 хайрцагт 169694 ширхэг тарьцыг буюу нийтдээ дөрвөн бригадын 36 цэцэрлэгчийн 164,4 хүн/өдөр хүчээр 1215,1 хайрцагт 37903 ширхэг тарьцыг тариалсан. Тарьц тариалсан хайрцаг услах ажилд 1-р бригадын 8 цэцэрлэгчийн 6,2 хүн/өдөр хүчээр 280,4 хайрцгийг, 2-р бригадын 3 цэцэрлэгчийн 1,7 хүн/өдөр хүчээр 183 хайрцгийг, 3-р бригадын 3 цэцэрлэгчийн 1,8 хүн/өдөр хүчээр 126 хайрцгийг, 4-р бригадын 9 цэцэрлэгчийн 9,8 хүн/өдөр хүчээр 575 хайрцгийг буюу нийтдээ дөрвөн бригадын 23 цэцэрлэгчийн 19,5 хүн/өдөр хүчээр 1164,4 хайрцгийг усалсан.

4-р сард бойжуулгын талбайгаас ковшоор суулгац ухаж гаргаад ажилчдын хүчээр талбайгаас түүж, ялгаж, тоолж, боож багцлан гадагшаа ба дотооддоо нөхөн тариалалтад нийлүүлсэн. Энэхүү ажилд 1-р бригадын 7 цэцэрлэгчийн 7 хүн/өдөр хүчийг, 2-р бригадын 11 цэцэрлэгчийн 10,5 хүн/өдөр хүчийг, 3-р бригадын 6 цэцэрлэгчийн 3 хүн/өдөр хүчийг, 4-р бригадын 9 цэцэрлэгчийн 8,6 хүн/өдөр хүчийг буюу нийтдээ бригадуудын 33 цэцэрлэгчийн 29,1 хүн/өдөр хүчийг зарцуулсан.

5-р сард бойжуулгын талбайгаас ковшоор суулгац ухаж гаргаад ажилчдын хүчээр талбайгаас түүж, ялгаж, тоолж, боож багцлан гадагшаа ба дотооддоо нөхөн тариалалтад нийлүүлсэн. Энэхүү ажилд 1-р бригадын 8 цэцэрлэгчийн 42,3 хүн/өдөр хүчийг, 2-р бригадын 12 цэцэрлэгчийн 82,7 хүн/өдөр хүчийг, 3-р бригадын 7 цэцэрлэгчийн 28 хүн/өдөр хүчийг, 4-р бригадын 9 цэцэрлэгчийн 65 хүн/өдөр хүчийг буюу нийтдээ бригадуудын 36 цэцэрлэгчийн 192 хүн/өдөр хүчийг зарцуулсан.

5-р сард жимст цэцэрлэгийн талбайн ажилчдын гал тогоонд тогооч хийх зэрэг аж ахуйн ажилд 2-р бригадын 6 цэцэрлэгчийн 23,5 хүн/өдөр хүчийг, 3-р бригадын 1 цэцэрлэгчийн 1 хүн/өдөр хүчийг буюу нийтдээ 2 бригадын 24,5 хүн/өдөр хүчийг зарцуулсан.

5-р сард «Хархорин Шим» ХХК-ийн тариан талбайн бордоог ачиж, буулгах зэрэг цагийн ажилд 3-р бригадын 6 цэцэрлэгчийн 9 хүн/өдөр хүчийг, 4-р бригадын 2 цэцэрлэгчийн 3,4 хүн/өдөр хүчийг буюу нийтдээ хоёр бригадын 8 цэцэрлэгчийн 12,4 хүн/өдөр хүчийг зарцуулсан.

5-р сард жимст цэцэрлэгийн чацарганы модонд тоос хүртээх, жимст цэцэрлэгийн чацарганы модонд тоос хүртээхэд зориулж хөгширч актлагдсан эр модны суулгацаас тоос хүртээх мөчир хайчлан тоос хүртээлт хийж буй бригадуудад нийлүүлэх, үхэр нүдний талбайн хярууны хамгаалалтад бэлтгэх, хярууны хамгаалалтад гарах, гадагш нийлүүлэх суулгацыг түр хадгалалтаас ухаж гарган ялган тоолж ангилаад, шошго зүүн боож ачих, оросын олон төрлийн модны хучлага авах, усалгаа хийх шуудууг нь сэргээн засах, усалгаа хийх, тракторт чиг татаж зогсох зэрэг цагийн ажилд 1-р бригадын 8 цэцэрлэгчийн 46,4 хүн/өдөр хүч, 2-р бригадын 11 цэцэрлэгчийн 36,1 хүн/өдөр хүч, 3-р бригадын 6 цэцэрлэгчийн 51,4 хүн/өдөр хүч, 4-р бригадын 9 цэцэрлэгчийн 45 хүн/өдөр хүч буюу нийт дүнгээрээ дөрвөн бригадын 34 цэцэрлэгчийн 178,9 хүн/өдөр хүч зарцуулсан.

Мөн 5-р сард Хархорин-Чацаргана ХХК-ны Ротаригийн хүлэмжний шилмүүст модны суулгац тариалсан хүлэмжүүдийн үртсэн хучлага авах, хүлэмжийг буцааж торон ба плёнкон хучлагаар хучих, хэмх тариалах хүлэмжүүдэд хэмх тариалах хамар хийх, усалгааны нуурыг цэвэрлэх зэрэг цагийн ажлуудад 1-р бригадын 7 цэцэрлэгчийн 7 хүн/өдөр хүчийг, 4-р бригадын 9 цэцэрлэгчийн 17 хүн/өдөр хүчийг буюу нийтдээ хоёр бригадын 16 цэцэрлэгчийн 24 хүн/өдөр хүчийг зарцуулсан.

5-р сард нийт бригадууд өөр өөрийн хариуцсан талбайн ойн зурвасыг нөхөн тариалсан ба энэ ажилд 1-р бригадын 7 цэцэрлэгчийн 1,4 хүн/өдөр хүчээр 90 модны нүх ухаад, мөн 1,4 хүн/өдөр хүчээр ухсан нүхэндээ улиасны суулгацаар тариалалт хийж, 0,7 хүн/өдөр хүчээр тариалсан моддыг тогоонд нь шуудуунаас хувингаар ус зөөж усалгаа хийлгэсэн. 2-р

бригадын 9 цэцэрлэгчийн 2,1 хүн/өдөр хүчээр 170 модны нүх ухаад, мөн 10 цэцэрлэгчийн 1,7 хүн/өдөр хүчээр ухсан нүхэндээ улиасны суулгацаар тариалалт хийж, 11 цэцэрлэгчийн 2,3 хүн/өдөр хүчээр тариалсан 170 мододоо тогоонд нь шуудуунаас хувингаар ус зөөж усалгаа хийлгэсэн. 3-р бригадын 7 цэцэрлэгчийн 5,6 хүн/өдөр хүчээр 511 модны нүх ухаад, мөн 7 цэцэрлэгчийн 3,1 хүн/өдөр хүчээр улиасны суулгацаар тариалалт хийж, 3,2 хүн/өдөр хүчээр тариалсан мододоо тогоонд нь шуудуунаас хувингаар ус зөөж усалгаа хийлгэсэн. Нийт дүнгээрээ гурван бригадын 23 цэцэрлэгчийн 9,1 хүн/өдөр хүчээр ойн зурвасын 771 модны нүхийг ухаад, мөн 24 цэцэрлэгчийн 6,5 хүн/өдөр хүчээр 771 улиасны суулгацаар тариалалт хийж, 6,2 хүн/өдөр хүчээр тариалсан моддыг тогоонд нь шуудуунаас хувингаар ус зөөж усалгаа хийлгэсэн.

5-р сард 1-р бригадын 0,5 хүн/өдөр хүчээр 13Б жимст цэцэрлэгийн талбайнуудад нөхөн тариалалтын 400 ширхэг чацарганы модны нүх ухуулаад, мөн 1 цэцэрлэгчийн 0,5 хүн/өдөр хүчээр чацарганы нөхөн тариалалтын 100 ширхэг модыг нөхөн тариалсан ба энэхүү 13Б болон үхэр нүдний 19Б талбайнуудад мөн бригадын 8 цэцэрлэгчийн 33 хүн/өдөр хүчээр 38800 м урт усалгааны туслах шуудуугаар усалгаа хийлгэсэн. 3-р бригадын 7 цэцэрлэгчийн 19 хүн/өдөр хүчээр 1А жимст цэцэрлэгийн талбайд нөхөн тариалалтын 7648 ширхэг чацарганы модны нүх ухуулаад, 7 цэцэрлэгчийн 17 хүн/өдөр хүчээр мөн талбайд чацарганы нөхөн тариалалтын 7648 ширхэг модыг нөхөн тариалж усалгааны туслах шуудуугаар усалгаа хийлгэсэн. Нийт дүнгээрээ хоёр бригадын 19,5 хүн/өдөр хүчээр жимст цэцэрлэгийн 1А, 13Б талбайнуудад нөхөн тариалалтын 8048 ширхэг чацарганы модны нүх ухуулаад, мөн 8 цэцэрлэгчийн 17,5 хүн/өдөр хүчээр чацарганы нөхөн тариалалтын 7748 ширхэг модыг нөхөн тариалаад эдгээр талбайнуудад усалгааны туслах шуудуугаар усалгаа хийлгэсэн.

5-р сард 2-р бригадын 11 цэцэрлэгчийн 7,5 хүн/өдөр хүчээр оросын модны 10Б талбайд усалгааны туслах шуудуунуудыг нь шинээр сэргээн ухаж гаргаад, 3230 ширхэг модны тогоонд 25-40 литр усыг хувингаар тогоо уруу нь шуудуунаас усалгаа хийлгэсэн.

6-р сард 1-р бригадын 8 цэцэрлэгчийн 52 хүн/өдөр хүчээр хариуцсан жимст цэцэрлэгийнхээ талбайн 76200 м урт усалгааны туслах шуудуугаар усалгаа хийсэн. 2-р бригадын 7 цэцэрлэгчийн 6,7 хүн/өдөр хүчээр хариуцсан эх цэцэрлэгийнхээ талбайн 7350 м урт усалгааны туслах шуудуугаар усалгаа хийсэн. 3-р бригадын 6 цэцэрлэгчийн 15,2 хүн/өдөр хүчээр хариуцсан жимст цэцэрлэгийнхээ талбайн 24200 м урт усалгааны туслах шуудуугаар усалгаа хийсэн. 4-р бригадын 9 цэцэрлэгчийн 70 хүн/өдөр хүчээр хариуцсан жимст цэцэрлэгийнхээ талбайн 79100 м урт усалгааны туслах шуудуугаар усалгаа хийсэн. Нийт дүнгээрээ дөрвөн бригадын 30 цэцэрлэгчийн 144 хүн/өдөр хүчээр хариуцсан эх болон жимст цэцэрлэгийнхээ талбайн 186850 м урт усалгааны туслах шуудуугаар усалгаа хийсэн.

6-р сард 1-р бригадын 8 цэцэрлэгчийн 20,8 хүн/өдөр хүчээр, 2-р бригадын 8 цэцэрлэгчийн 17,4 хүн/өдөр хүчээр, 3-р бригадын 7 цэцэрлэгчийн 8,6 хүн/өдөр хүчээр, 4-р бригадын 9 цэцэрлэгчийн 16,4 хүн/өдөр хүчээр Хархорин-ТУР ХХК-ны жуулчин хүлээн авах гэрүүдийг барих, бригадын тогооч хийх, Хархорин-ТУР ХХК-ны конторын болон хөлдөөх агуулахын манаач хийх, усалгааны трубануудыг харуулын 1-р цэгээс талбай уруу зөөж, байршуулан холбох, жимсний хөлдөөх агуулах, жимсний торхнуудыг угааж, цэвэрлэн агуулахад хийх,

зэрэг аж ахуйн цагийн ажлуудыг нийтдээ агроүйлдвэрлэлийн 4 бригадын 32 цэцэрлэгчийн 63,2 хүн/өдөр хүчээр хийлгэсэн.

6-р сард Ротарийн хүлэмжинд хэмхний үрслэгээр тариалалт хийх, Ротаригийн хэмх ба хайлаасны тарьц тариалсан хүлэмжүүдийг хучих, хүлэмжний хар тор ба плёнкон хучлагыг нөхөх, хүлэмжийг хар тороор хучих, хүлэмжинд засвар үйлчилгээ хийх, Ротаригийн хүлэмжний шилмүүст модны үртсэн хучлагыг авч хүлэмжнээс холдуулан овоолж орхих, хүлэмжинд гүзээлзгэний усалгааг цагийн графикаар хийх зэрэг талбайн цагийн ажилд 1-р бригадын 8 цэцэрлэгчийн 18,8 хүн/өдөр хүч, 2-р бригадын 9 цэцэрлэгчийн 7 хүн/өдөр хүч, 3-р бригадын 7 цэцэрлэгчийн 32,7 хүн/өдөр хүч, 4-р бригадын 9 цэцэрлэгчийн 17,4 хүн/өдөр хүчийг буюу нийт дүнгээрээ дөрвөн бригадын 33 цэцэрлэгчийн 75,9 хүн/өдөр хүчийг зарцуулсан.

6-р сард 2-р бригадын 9 цэцэрлэгчийн 6,9 хүн/өдөр хүчээр оросын олон төрлийн жимсний модны талбайг услуульж, мөн талбайд 3 цэцэрлэгчийн 1,2 хүн/өдөр хүчээр оросын олон төрлийн модны арчилгааны ажилбаруудыг хийлгэсэн.

Мөн 6-р сард тус 2-р бригадын 9 цэцэрлэгчийн 1,9 хүн/өдөр хүчээр гадагш ба дотоодын нөхөн тариалалтын суулгацууд гаргах зэрэг ажлуудыг хийлгэсэн.

6-р сард бойжуулгын талбай хариуцсан 2-р бригадын 9 цэцэрлэгчийн 57 хүн/өдөр хүчээр 1997 хайрцагны гүн сийрүүлэлтийн ажилбар, 25 хүн/өдөр хүчээр 1988 хайрцгийг услуулах зэрэг ажилбаруудыг тус тус хийлгэсэн.

6-р сард нийт агроүйлдвэрлэлийн бригадуудын хүн хүчний энэ жилийн зуны ногоон мөчрийн тариалалт хийх 40м X 6м хэмжээтэй 10 ширхэг, 30м X 6м хэмжээтэй 10 ширхэг буюу бүгд 20 хүлэмжний хар шороо, хайргыг шигшиж, илүү гарсан хаягдал хар шороог хүлэмжнээс гарган пад тракторын чиргүүл дээр ачин, холдуулан зөөж, асган тараах ажил хийлгэсэн ба ингэхэд хүн хүч ихээр дутагдаж байсан энэ жилийн хувьд 6-р сарын ихэнх хугацааг энэ ажилд зарцуулах шаардлага гарсан. Энэ ажилд 1-р бригадын 8 цэцэрлэгчийн 25,6 хүн/өдөр хүчээр 120 м3 хэмжээтэй хүлэмжний хайргыг, 2-р бригадын 8 цэцэрлэгчийн 23 хүн/өдөр хүчээр 88,8 м3 хэмжээтэй хүлэмжний хайргыг, 3-р бригадын 6 цэцэрлэгчийн 16,2 хүн/өдөр хүчээр 59,2 м3 хэмжээтэй хүлэмжний хайргыг, 4-р бригадын 9 цэцэрлэгчийн 23,2 хүн/өдөр хүчээр 120 м3 хэмжээтэй хүлэмжний хайргыг буюу нийт дүнгээрээ дөрвөн бригадын 31 цэцэрлэгчийн 88 хүн/өдөр хүчээр ногоон мөчир тариалах 16 хүлэмжний 388 м3 хэмжээтэй хайргыг гараар шигшүүлж, тэгшлүүлж, дэвсүүлсэн.

6-р сард мөн эдгээр хүлэмжүүдийн хар шороон хөрсийг нэг тал уруу нь хуульж байршуулаад, доор нь байрлах хайргыг шигшээд, дээр нь буцааж хүлэмжний бүх хөрсийг нь шигшээд, буцаан хоёр талд нь тараан, тэгшилж элсэн хучлага дэвсэхэд бэлэн болгох ажил хийсэн. Энэ ажилд 1-р бригадын 8 цэцэрлэгчийн 32,3 хүн/өдөр хүчээр 232,2 м3 хэмжээтэй хүлэмжний хар шороог, 2-р бригадын 8 цэцэрлэгчийн 29,4 хүн/өдөр хүчээр 188,8 м3 хэмжээтэй хүлэмжний хар шороог, 3-р бригадын 6 цэцэрлэгчийн 54,8 хүн/өдөр хүчээр 158,5 м3 хэмжээтэй хүлэмжний хар шороог, 4-р бригадын 9 цэцэрлэгчийн 38,9 хүн/өдөр хүчээр 249 м3 хэмжээтэй хүлэмжний хар шороог буюу нийт дүнгээрээ агроүйлдвэрлэлийн дөрвөн

бригадын 31 цэцэрлэгчийн 155,4 хүн/өдөр хүчээр хүлэмжний 828,5 м3 хэмжээтэй хүлэмжний хар шороог зөөж, шигшиж, буцаан зөөж, тэгшлэн тараасан.

6-р сард хүлэмжний илүү гарсан хөрсийг хүлэмж хоорондын зайд гаргаж асгаад, дараа нь түүнийгээ пад тракторт ачиж, холдуулан зөөж асгах ажил хийсэн ба энэ ажилд 1-р бригадын 8 цэцэрлэгчийн 11,5 хүн/өдөр хүчээр 33,9 м3 хэмжээтэй хүлэмжний илүүдэл хар шороог, 3-р бригадын 5 цэцэрлэгчийн 1 хүн/өдөр хүчээр 2 м3 хэмжээтэй хүлэмжний илүүдэл хар шороог, 4-р бригадын 9 цэцэрлэгчийн 7,1 хүн/өдөр хүчээр 49,2 м3 хэмжээтэй хүлэмжний илүүдэл хар шороог буюу нийт дүнгээрээ агроүйлдвэрлэлийн гурван бригадын 22 цэцэрлэгчийн 19 хүн/өдөр хүчээр хүлэмжний 85 м3 хэмжээтэй хүлэмжний илүүдэл хар шороог ачиж, зөөж, тараан асгуулсан.

Нийт дүнгээрээ дараах тоо, төрлийн суулгацуудыг энэ хавар гадагшаа болон дотооддоо нөхөн тариалалтад нийлүүлээ.

- 4-р сард чацарганы 1268 ширхэг, улиасны 3 ширхэг, хайлаасны 7692 ширхэг, үхэр нүдний 3 ширхэг, моносны 3 ширхэг, бөөрөлзгөний 3 ширхэг, гүзээлзгэний 14 ширхэг, чимэглэлийн нохойн хошууны 4 ширхэг, улаалзганы 4 ширхэг суулгацуудыг бойжуулгын талбайгаас ухаж гарган гадагш ба дотооддоо нөхөн тариалалтад нийлүүлсэн.
- 5-р сард чацарганы 75045 ширхэг, улиасны 2329 ширхэг, хайлаасны 11427 ширхэг, үхэр нүдний 755 ширхэг, моносны 70 ширхэг, бөөрөлзгөний 183 ширхэг, гүзээлзгэний 1 ширхэг, чимэглэлийн нохойн хошууны 22 ширхэг, далан хальсны 13 ширхэг, гүйлсний 82 ширхэг, улаалзганы 42 ширхэг, бургасны 15 ширхэг суулгацуудыг, ойн зурвасаас 17 ширхэг шархуайсны бут зэргийг бойжуулгын талбайгаас ухаж гарган гадагш ба дотооддоо нөхөн тариалалтад нийлүүлсэн.
- 6-р сард хайлаасны 110 ширхэг, бөөрөлзгөний 20 ширхэг, гүзээлзгэний 51 ширхэг зэрэг суулгацуудыг бойжуулгын талбайгаас ухаж гарган гадагш ба дотооддоо нөхөн тариалалтад нийлүүлсэн.

11. Үнэт цаас гаргагчийн хувьцаа эзэмшигчдийн хурал, түүний шийдвэр:

“Хархорин” ХК нь Хувьцаа эзэмшигчдийн ээлжит хурлаа 2019 оны 04 дүгээр сарын 24-ний өдөр Өвөрхангай аймаг, Хархорин сум, Эрдэнэтолгой баг, Усжуулах 00 хаягаар байрлах өөрийн байранд, хурлын танхимд хуралдуулсан.

Тус хурлыг зарлан хуралдуулах асуудлыг компанийн Төлөөлөн удирдах зөвлөл 2019 оны 03 дугаар сарын 15-ны өдрийн хурлаараа авч хэлэлцээд холбогдох шийдвэрийг гаргасан. Хурлын мэдэгдлийг 2019 оны 03 дугаар сарын 15-ны өдөр Санхүүгийн зохицуулах хороо болон Монголын хөрөнгийн биржид тус тус хүргүүлсэн.

Тус ээлжит хуралд оролцох эрх бүхий хувьцаа эзэмшигчдийг бүртгэх өдрийг 2019 оны 04 дүгээр сарын 05-ны өдрөөр тогтоож, “Үнэт цаасны төвлөрсөн хадгаламжийн төв” ХХК-с

бүртгэлийн өдрөөр гаргасан хувьцаа эзэмшигчдийн дэлгэрэнгүй судалгааг гаргуулан авсан болно.

Тус судалгааны дагуу тус бүр нэг саналын эрх бүхий нийт 539,515 ширхэг энгийн хувьцаа эзэмшиж байгаа 575 хувьцаа эзэмшигчид 2019 оны 04 дүгээр сарын 24-ний өдрийн хувьцаа эзэмшигчдийн ээлжит хуралд оролцох эрхтэй байсан. Эдгээр хувьцаа эзэмшигчдээс нийт 377,953 ширхэг хувьцаа эзэмшиж байгаа нийт 4 хувьцаа эзэмшигч тус хуралд биечлэн оролцож саналаа өгсөн болно. Хуралд биечлэн оролцоогүй боловч саналын хуудсаар саналаа ирүүлсэн хувьцаа эзэмшигч гараагүй.

Хурлын ирц 70.05 хувь болсон.

Хурлаар хэлэлцсэн асуудлууд болон эдгээр асуудал тус бүрээр хуралд оролцсон саналын эрх бүхий хувьцаа эзэмшигчдийн өгсөн саналын тоог, хувь зэргийг дараах хүснэгтээс үзнэ үү:

Д/д	Хурлаар хэлэлцэн шийдвэрлэсэн асуудлууд	Зөвшөөрсөн	Татгалзсан	Түдгэлзсэн
1	Компанийн 2018 оны жилийн үйл ажиллагааны талаарх Төлөөлөн Удирдах Зөвлөлийн гаргасан дүгнэлтийг хэлэлцэж батлах	377,953 (100%)	0	0
2	Компанийн 2018 оны жилийн санхүүгийн тайлангийн талаарх Төлөөлөн Удирдах Зөвлөлийн гаргасан дүгнэлтийг хэлэлцэж батлах	377,953 (100%)	0	0
3	Ногдол ашиг хуваарилахгүй тухай Төлөөлөн Удирдах Зөвлөлөөс гаргасан шийдвэрийг батлах	377,953 (100%)	0	0
4	Компанийн 2019 оны үйл ажиллагааны төлөвлөгөөг хэлэлцэж батлах	377,953 (100%)	0	0

Жич: хүчингүй саналын хуудас гараагүй болно.

“Хархорин” ХК-ийн 2019 оны 04 дүгээр сарын 24-ний өдрийн хувьцаа эзэмшигчдийн ээлжит хурлаас гарсан тогтоолуудтай Монголын хөрөнгийн биржийн цахим хуудаснаас үзэж танилцах боломжтой.

Тус хувьцаа эзэмшигчдийн ээлжит хурлын материалыг 2019 оны 04 дүгээр сарын 29-ний өдөр Санхүүгийн зохицуулах хороо, Монголын хөрөнгийн биржид тус тус хүргүүлсэн.

12. Үнэт цаас гаргагчийн ТУЗ-ийн шийдвэрүүд

2019 оны эхний хагас жилийн хугацаанд “Хархорин” ХК-ийн ТУЗ-с дараах шийдвэрүүдийг гаргасан болно:

Тогтоол, шийдвэрийн Огноо	Товч утга	Тогтоол шийдвэрийн агуулга
2019.02.19	Ногдол ашиг хуваарилахгүй тухай	ТУЗ-с Компанийн тухай хуульд заасны дагуу ногдол ашиг хуваарилах эсэх тухай асуудлыг хэлэлцээд 2018 онд ногдол ашиг хуваарилахгүй байх шийдвэрийг гаргасан.
2019.02.20	Хараат компанийн хувьцааг шилжүүлэн авах тухай	«Хархорин» ХК-ийн 50%-ийн эзэмшлийн компани болох «Хархорин Шим» ХХК-ийн үлдсэн 50%-ийн хувьцааг «Хархорин» ХК өөртөө шилжүүлэн авч тус ХХК-ийг 100% эзэмших тухай шийдвэрийг гаргасан.
2019.02.20	Хэлцэл буцаах, гарын үсэг зурах эрх олгох тухай	“Хархорин” ХК-ийн 50%-ийн эзэмшлийн “Хархорин Шим” ХХК-ийн 2017 онд байгуулж байсан хэлцлийг буцаах, үүнтэй холбоотой баримт бичигт гарын үсэг зурах эрх олгох асуудлыг хэлэлцэж шийдвэр гаргасан.
2019.02.27	Лизингийн нөхцөлөөр дуслын усалгааны систем худалдан авах, гарын үсэг зурах эрх олгох тухай	“Ди Би Эм Лизинг” ХХК-с дуслын усалгааны систем лизингийн нөхцөлөөр авах тухай асуудлыг хэлэлцээд холбогдох шийдвэрийг гаргасан.
2019.03.15	Хувьцаа эзэмшигчдийн ээлжит хурал хуралдуулах тухай	Хувьцаа эзэмшигчдийн ээлжит хурлыг 2019 оны 04-р сарын 24-ний өдөр хуралдуулахаар шийдвэрлэж хурлаар хэлэлцэх асуудлууд, саналын хуудасны загвар зэргийг баталсан.
2019.03.19	Охин компанид зээл авах зөвшөөрөл олгох тухай	100%-ийн охин компани болох «Хархорин Шим» ХХК-д эргэлтийн хөрөнгөө санхүүжүүлэхэд нь зориулж зээл авах зөвшөөрлийг олгосон.

13. Нөлөө бүхий хувьцаа эзэмшигчдийн өөрчлөлтийн талаарх мэдээлэл

“Хархорин” ХК-ийн 5% ба үүнээс илүү хувийг эзэмшигч хувьцаа эзэмшигчдийн бүрэлдэхүүнд тайлант хугацаанд буюу 2019 оны эхний хагас жилд өөрчлөлт ороогүй болно.

5% ба үүнээс дээш хувьцаа эзэмшигчид, 2019 оны 04 дүгээр сарын 05-ны өдрөөр тасалбар болгож “Үнэт цаасны төвлөрсөн хадгаламжийн төв” ХХК-с гаргуулан авсан хувьцаа эзэмшигчдийн дэлгэрэнгүй судалганы дагуу:

Д.д	Хувьцаа эзэмшигчид	Эзэмшиж буй хувьцааны тоо ширхэг, хувь
1	С.Пүрэв	377,660 (70.00%)
2	Селус Номадс ХХК	102,390 (18.98%)
3	Бусад жижиг хувьцаа эзэмшигчид (нийт 573)	59,465 (11.02%)
	ДҮН	539,515 (100%)

“Хархорин” ХК, 2019 он